



14. april 2008

Inatsisartut Suleriaasianni § 36 imm.1 tunngavigalugu Naalakkersuisunut apeqquteqaatit mak-kua apeqquteqaatiginiarpakka:

Naalakkersuisunut apeqquteqaatit:

- 1. Europami nunat ataatsimoorussillutik meeqqanik qimarnussisoqartillugu kalerrisaarinermut ujaasinissamullu aqqissuussisimanagerat, AMBER – alert –system-imik taaneqartartoq Naalakkersuisunit ilisimaneqarnerluni?**
- 2. Taamatut aqqissuussinerup Kalaallit-nunaannut naleqqussarlugu atulersissinnaanisaa Naalakkersuisut takorluunnginnerlugu, imaluunniit aqqissuussinermut tassunga Kalaallit-nunaata ilangunneqarnissaa Naalakkersuisut sulissutigissannnginnerlugu?**

(Inatsisartunut ilaasortaq Astrid Fleischer Rex, Demokraatit)

Tunngavilersuut.

Ukiup ataatsip matuma siornagut niviarsiarannguup tuluup, Madeleine-p Portugalimi angajoqqaanilu feriartillutik najukkaminiit tammarnera kialluunniit arajutsisimanaviangilaa. Taassumannguup tammarnerata kinguneraa meeqqanik qimarnussisarnerup annertunerusumik eqqartorneqalnera.

EU-mi naalagaaffiit pingasut, tassa Tuluiit-nunaat Grækenland aamma Frankrig ullumikkut namminerisaminnik meeqqanut tunngatillugu kalerrisaarisarnermik aqqissuussinikuupput, aammalu ukioq kingulleq Frankrig-imiinnaq meeqqat qimarnussat tallimat ajunngitsut nassaarineqar-nikuupput.

Maannakkorpiaq Europami nunat tamarmiullutik Europami kalerrisaarutiniq ujaasinermilu ator-tunik Amerika-mi ator-neqartunut assingusunik pisaarnissaq eqqartuleruttorpaat. Siorna „Amber Alert-ip“ Amerikkamiut meeqqanik qimarnussanik 68-inik nanisineranni ikiorsimavai. Tamatu-ma saniatigut ukiut kingulliit tallimat ingerlanerini meeqqat 100-likkaat arlaqartut nassaarineqar-nerini aammattaaq tamanna iluaqutaasimavoq.

EU-mi inatsiseqarnikkut kommissær, Franco Frattini-ip kalerrisaarinermut atortunik pineqartu-mik tapersersuinini nalunaarutigereerpaa, tassalu parlamentemiit tapersersorneqareerluni maanna siunnersuut ministerrådimit akuersissutigineqarnissaa taamaallaat maannakkut amigaatigineqar-poq.

Naluneqanngitsutulli maani nunatsinni EU-p avataani inissisimaniarluta aalajangereernikuuarput, taamaattumillu tamanna tunuliaqutaralugu apeqquteqaatit qulaani pineqartut apeqquteqaatigi-niarlugit aalajangiussimavara, tassami Demokraatiniit isumaqaratta kalerrisaarut ataatsimoorus-saq ajunngitsuusoq. Neriuppungalu Naalakkersuisut aammattaaq taamatut isumaqassasut.

Apeqquteqaatinnut akissuteqaatit ullut suliffiusut qulit qaangiutsinnagit uannut tunniunneqareer-simanissaat kissaatigaara.